

三輔黃圖附補遺



Z12
1573

三

輔

黃

圖

附補
遺

撰人未詳
畢沅校正

中華書局

叢書集成初編

三輔黃圖 附補遺

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

叢書集成初編所選古今逸史
及寶顏堂秘笈漢魏叢書經訓
堂叢書平津館叢書皆收有此
書經訓爲畢沅校本故據以排
印平津爲孫星衍莊逵吉校本
與此本不同故並存之

重刻三輔黃圖序

隋志云一卷記三輔宮觀陵廟明堂辟雍郊畤等事。卽所謂舊圖也。如淳晉灼注漢書。酈道元注水經。宇文愷議立明堂。王元規議上帝后土壇。並稱之。此本作六卷。蓋唐世好事者所輯。故雜用晉以後書。并顏師古說。又多與淳等引據不同。攷宋敏求程大昌陳振孫王應麟諸輩所見。卽今本是也。知唐以後舊本已佚久矣。大昌云。漸臺、彪池、高廟。元始祭祀稷儀。皆祖本舊圖。今漸臺高廟無舊圖云云。恐今本更非宋舊焉。今並加校正。而以今本所無者附載于後。以乾隆四十有九年六月刻成。是爲序。畢沅撰。

三輔黃圖序目

易曰。上古穴居而野處。後世聖人易之以宮室。上棟下宇。以待風雨。蓋取諸大壯。三代盛時。未聞宮室過制。秦穆公居西秦。以境地多良材。始大宮觀。戎使由余適秦。穆公示以宮觀。由余曰。使鬼爲之。則勞神矣。使人爲之。則苦人矣。是則穆公時。秦之宮室已壯大矣。惠文王初都咸陽。取岐雍巨材。新作宮室。南臨渭。此踰涇。至於離宮三百。復起阿房。未成而亡。始皇并滅六國。憑藉富強。益爲驕侈。殫天下財力。以事營繕。項羽入關。燒宮闕。三月火不滅。漢高祖有天下。始都長安。實曰西京。欲其子孫長安都於此也。長安本秦之鄉名。高祖作都。至孝武皇帝。承文景菲薄之餘。特邦國阜繁之資。土木之役。倍秦越舊。斤斧之聲。舂鍤之勞。歲月不息。蓋騁其邪心。以誇天下也。昔孔子作春秋。築一臺。新一門。必書於經。謹其廢農時。奪民力也。今哀采秦漢以來。宮殿門闕。樓觀池苑。在關輔者。著於篇。曰三輔黃圖云。東都不與焉。

卷之一

三輔沿革

三輔治所

京兆

馮翊

扶風

咸陽故城

宮

賁陽宮

械陽宮

西垂宮

平陽宮

橐泉宮

步高宮

步壽宮

號宮

長楊宮

斬年宮

梁山宮

信宮

興樂宮

朝宮

阿房宮

蘭池宮

馳道

鐘宮

雲閣

望夷宮

林光宮

漢長安故城

秦漢風俗

都城十二門

霸城門

清明門

宣平門

覆盎門

鼎路門

便門

章城門

直城門

雍門

洛城門

廚城門

橫門

卷之二

長安九市

長安八街九陌

長安城中閭里

漢宮

長樂宮

未央宮

建章宮

桂宮

北宮

甘泉宮

司馬門附

卷之三

長樂宮

鴻臺殿

臨華殿

溫室殿

長信宮

未央宮

宣室殿

溫室殿

清涼殿

宣明殿

廣明殿

昆德殿

玉堂殿

麒麟殿

金華殿

承明殿

掖庭宮

椒房殿

昭陽殿

飛翔殿

增成殿

合歡殿

蘭林殿

披香殿

鳳凰殿

鴛鴦殿

三輔黃圖 序目

四

安處殿

常寧殿

濯若殿

椒風殿

發越殿

蕙草殿

高門殿

非常殿

織室

凌室

暴室

弄田

內謁者署

金馬門

路輪廐

建章宮

駭娑宮

天梁宮

桴詣宮

駘蕩宮

鼓簀宮

神明臺

奇華殿

鼓簀宮

神明臺

北宮

明光宮

太子宮中甲觀畫堂

壽宮

明光宮

太子宮中甲觀畫堂

甘泉宮

昭臺宮

長定宮

長門宮

鈎弋宮

中安宮

儲元宮

犬臺宮

永信宮

步壽宮

梁山宮

黃山宮

葡萄宮

三良宮

集靈宮

集仙宮

回中宮

集靈宮

集靈宮

集仙宮

卷之四

苑囿

存仙殿

存神殿

望仙臺

望仙觀

棠梨宮

竹宮

宜春宮

扶荔宮

五林宮

宣曲宮

鼎湖宮

思子宮

萬歲宮

首山宮

明光宮

池陽宮

養德宮

日華宮

曜華宮附見

周靈囿

漢上林苑

甘泉苑

御宿苑

思賢苑

博望苑

西郊苑

三十六苑

樂遊苑

宜春下苑

梨園

池沼

周靈沼

漢昆明池

鎬池

滄池

太液池

唐中池

百子池

十池

在上林苑

飲飛外池

秦酒池

影蛾池

琳池

鶴池

冰池

卷之五

臺榭

周靈臺

漢靈臺

栢梁臺

漸臺

神明臺

通天臺

涼風臺

魚池臺

酒池臺

著室臺

鬪雞臺

走狗臺

壇臺

韓信射臺

果臺

東西山臺

鈎弋臺

通靈臺

望鵠臺

眺瞻臺

桂臺

商臺

避風臺

長楊榭

辟離

周辟離

漢辟離

明堂

周明堂

漢明堂

園丘

太學

宗廟

太上皇廟

惠帝廟

昭帝廟

寢廟園

南北郊

天郊

社稷

官社

觀樓館附

豫章觀

射熊觀

高祖廟

文帝廟

宣帝廟

新室九廟

地郊

官稷

飛廉觀

石闕觀

高園

景帝廟

元帝廟

甘泉園丘

屬玉觀

封禪觀

原廟

武帝廟

成帝廟

后土汾陰

青梧觀

白楊觀

三輔黃圖 序目

八

長平觀

龍臺觀

涿木觀

細柳觀

成山觀

僊人觀

霸昌觀

蘭池觀

安臺觀

淪沮觀

禁觀

董賢觀

蒼龍觀

營市觀

旗亭樓

馬伯鸞樓

麒麟館

朱雀館

龍興館

含章館

卷之六

閣

石渠閣

天祿閣

麒麟閣

未央宮堯閣

白虎閣

屬車閣

署

虎威

章溝

八營

庫

武庫

靈金內府

倉

太倉

細柳倉

嘉倉

廡

未央大廡

六廡

九廡

霸昌馬廡

都廡

中廡

圈

秦獸圈

漢獸圈

虎圈

橋

黃橋

渭橋

霸橋

便門橋

飲馬橋

陵墓

漢十五陵

李夫人墓

王莽妻億年墓

雜錄

禁中

省中

鹵簿

清道

靜室

離宮

行在所

陛下

三輔黃圖卷之一

清畢沅校正

三輔沿革

禹貢九州，舜置十二牧，雍其一也。古豐鎬之地，平王東遷，以岐豐之地賜秦襄公。至孝公始都咸陽。

秦孝公十

二年，於渭北作咸陽，徙都之。

咸陽在九峻山渭水北，山水俱在南，故名咸陽。秦并天下，置內史以領關中，項籍滅秦，分其

地爲三，以章邯爲雍王，都廢邱。

今興平縣地。沅案：此下小注皆用唐時地理，知此書唐時人所纂輯。

司馬欣爲塞王，都櫟陽；董翳爲翟王，都高奴。

今延

州金明縣。

謂之三秦。漢高祖入關，定三秦，元年更爲渭南郡。九年罷郡，復爲內史。五年，高帝在洛陽，婁敬說曰：

夫秦地被山帶河，四塞以爲固，卒然有急，百萬衆可立具。因秦之故，資甚美膏腴之地，此所謂天府。陛下入關而都之，山東雖亂，秦故地可全而有也。又田疇賀高帝曰：陛下治秦中，秦形勢之國，帶河阻山，持戟百萬，秦得百二焉。地勢便利，其以下兵於諸侯，猶居高屋之上，建瓴水也。自是漢始都之，景帝分置左右內史，此爲右內史。武帝太初元年，改內史爲京兆尹，與左馮翊、右扶風，謂之三輔，其輔俱在長安古城中。

三輔治所

京兆在故城南尚冠里

京大也。天子曰兆。民公羊曰京大也。師衆也。天子所居。

馮翊在故城內太上皇廟西南

馮翊也。翊輔也。翊輔京師也。其地今同州。

扶風在夕

陰街北

扶持也。助也。言助風化也。今岐州。

三輔者謂主爵中尉及左右內史。漢武帝改曰京兆尹。左馮翊、右扶風、共治長安城中。是爲三輔。三輔郡皆有都尉。如諸郡。京輔都尉治華陰。左輔都尉治高陵。右輔都尉治鄠。王莽分長安城旁六鄉置帥。各一人。分三輔爲六都尉。渭城、安陵以西，北至栒邑、義渠十縣屬京尉。大夫府居故長安寺。高陵以北十縣屬師尉。大夫府居故廷尉府。新豐以東至湖十縣屬翊尉。大夫府居城東霸陵。杜陵以東至藍田，西至武功。郁夷十縣屬光尉。大夫府居城西。茂陵、槐里以西至汧十縣屬扶尉。大夫府居城西。長陵、池陽以北至雲陽。

沅案至雲陽三字各本皆無。顏師古引有之。今增入。

祿棚十縣屬列尉。大夫府居城北。

沅案城北二字各本皆無。顏師古引有之。今增入。

後漢光武之後扶風出治

槐里。馮翊出治高陵。

案百官表顏師古注引黃圖云京兆在尚冠前街東入故中尉府馮翊在太上皇廟西入右扶風在夕陰街北入故主爵府長安以東爲京兆長陵以北爲左馮翊渭北以西爲右扶風沅案此案語未知何人所加。

咸陽故城

在今咸陽東二十里。

自秦孝公至始皇帝胡亥竝都此城。案孝公十二年作咸陽，築冀闕，徙都之。始皇二十六年，徙天下高貴富豪於咸陽二十萬戶，諸廟及臺苑皆在渭南。秦每破諸侯，徹其宮室，作之咸陽北坂上。南臨渭，自雍門以東至涇渭殿屋，複道周閣相屬，所得諸侯美人鐘鼓以充之。二十七年，作信宮渭南，已而更命信宮爲極廟，象天極。自極廟道通驪山，作甘泉前殿，築甬道，自咸陽屬之。始皇窮極奢侈，築咸陽宮，因北陵營殿端門，四達以則。

沅案，則舊本皆作制，藝文類聚初學記及長安志等書皆作則，今依改之。

紫宮，象帝居引。

沅案，水經注藝文類聚初學記長安志等書皆無引字。

渭水灌。

沅案，漑水經注，雍錄皆作貫。

都。

以象天漢，橫橋南渡，以法牽牛。橋廣六丈，南北二百八十步。

沅案，水經注作三百八十步。

六十八間，八百五十柱。

沅案，水經注作七百。

五十柱。二百一十二梁。

沅案，水經注作百二十梁。玉海作百二十梁。

橋之南北隄，綴。

沅案，玉海作激。

立石柱，咸陽北至九轡甘泉南至鄠杜，東至

河西至涇渭之交，東西八百里，南北四百里，離宮別館相望聯屬，木衣綈綉，土被朱紫，宮人不移樂，不改懸，窮年忘歸，猶不能徧。

宮馳道，開附。

葺陽宮，秦文王所起，今在鄠縣西南二十三里。

械陽宮，秦昭王所作，今在岐州扶風縣東北。

西垂宮，文公元年居垂宮。

沅案，雍錄云，此宮不知何屬。

平陽封宮，武公元年伐彭戲氏，至于華山下，居於平陽封宮。

橐泉宮。